

鉅

水

齋

詩

集

餅水齋詩集卷十

大興舒位立人

元默閻茂

鐵簫歌贈朱亦林

鐵厚一寸射而洞驚起秦臺紅尾鳳乘風飛度廣寒橋霓裳  
法曲傳靈簫生不逢東坡居士遊赤壁清風明月無聲色更  
不見淮南書記吟青山二十四橋春夢殘爐火溫暾唾壺缺  
不鑄黃金鑄白雪深山大澤無人蹤一斛珍珠六州鐵不知  
誰治南陵梅秋色寸寸繞指來蒼龍紫蚓繡苔錦繚穿月  
紛葳蕤四壁成都小垂手玉律春寒消九九吹參差兮續離  
騷爛嚼紅霞口戕口節之以岑牟金石漁陽搥和之以大江  
東去銅琵琶銀河吹笙小兒女矧乃人世雙紅牙蕤賓一方

何處得胡牀三弄無人識不如舞作王鐵槍省倚市門饒乞食

青衣孫福以其所作和穆湖主人詩來謁穆湖蓋王仲瞿所居仲瞿去年留詩南下乃詠落花者今攬屬和延佇瓜期其佳句若韶華一度蜂含蜜心事三春燕剩泥亦仲瞿之所欲言也爲書一詩付之

自有春愁自不知生花筆寫落花詩蛟龍波浪迷前路桃李輿臺戀故枝屋上雌雄烏亦好社前風雨燕猶遲分明一樣琵琶語忍俊明妃獨去時

余前詩有琵琶彈出雁門關句福亦云中原無地葬明妃尤妙

陳檢討填詞圖

萬口歌塵一手填花無聊賴酒無邊人間白髮三千丈袖裏烏絲五十弦謚作洞簫王諫議傳來井水柳屯田忍將詞賦

拋絲竹到底中年勝暮年

此髯鴉鬢兩絲絲畫山剛逢禿阿師樂府雙聲南北調洪昉

南曲一套蔣心餘題北曲一套制科千載後先時  
朱竹垞分書填詞三生不

作無情物一卷能行本事詩想見傳神阿堵裏閨年留得好

春遲圖成於康熙戊午閏三月釋大汕所寫

身世中吳少保孫辟疆風調似梅邨檢計詩二十以外出入愁飄然竟從梅邨遊

東山絲竹棋無局南部烟花扇有痕素女圖中顏色好黨人

碑後姓名存泥他銷暑重裘者絲繡香熏記此門

當年閒寫太無聊紅倚芙蓉綠坐蕉杜牧狂言驚一座馬周

火色過三朝梅杓司詩朝來日者橋殘山賸水還留戀對影

聞聲未寂寥直得梅花詩百首此魂銷後又重招

朱野雲擬陶詩屋圖

飄泊張融岸上船商量支遁買山錢除非一箇陶元亮想要歸家便有田

朱公從此擬陶公三徑斜陽畫不紅肯畫桃花與流水便應招我此圖中

仲瞿至自吳門頃走訪之忽移寓護國寺旁嫌其與弊居稍遠以詩達意

一年南北又花開鏡下芙蓉笛裏梅誰與公榮飲酒者恰逢匡鼎說詩來每當會合思聯句爲愛居停近辯才只在東華門裏住轆轤惆悵送人回

畫船短簿祠前月笨轂長安道上風月色到船江水白風聲轉轂市塵紅人天離合情何限爾我悲歡事不同若肯出門西向笑橫街只有此衡衡

余居彭二衡衡在橫街極西

題仲瞿住穀城之明日謹以斗酒牛膏合琵琶三十二  
弦侑祭於西楚霸王之墓詩後

彈斷琵琶一曲銅小娘雲雨大王風酒澆黃土魂來黑詩咽  
烏江浪打紅帳下美人歌駿馬天涯兒女拜英雄九原若有  
重瞳子又見龍門太史公

烟香灰劫閉佳城未死千秋萬歲情海內文章留杜默江東  
子弟送田橫龍蛇故國成何戀雞犬新豐自可營一谷泥丸  
三月火果然草草殺韓生

過橋三步舊東阿鬼唱秋墳客渡河宿草塵沙吳地盡亂山  
絲竹楚聲多蕭條宋玉招魂處墓爲前秦安太守宋公慷慨  
王郎拔劍歌最恨神叢傳檄者雌朝譚語太蹉跎思仁所修立碑紀事

原詩

王曇

穀城山曉葉蒼蒼  
五體竟天亡  
明分天下資  
劉季誤讀兵書負項梁  
留部  
軀蘆全漢在英雄  
成敗太淒涼

秦人天下楚人弓  
枉把頭顱送馬童  
天命何曾私赤帝  
大王失計戀江東  
早摧函谷收圖籍  
何必鴻門殺沛公  
明縱咸陽三月火  
讓他婁敬說關中

黃土心香一剎塵  
英雄兒女我沾巾  
生能白版爲天子  
死剩烏江一笑人  
壁裏沙蟲親子弟  
烹來功狗舊君臣  
戚姬脂粉虞姬血  
一掬君恩不庇身

同作

孫原湘

一杯熱血奠幽宮  
空際靈旗颯楚風  
死有人爭分五體  
生無天命枉重瞳  
范增不解留韓信  
項伯徒知走沛公  
百戰

河山成底事誰將成敗論英雄

玉玦三看赤帝愁鴻門一誤又鴻溝無心殺季真仁度并  
力除秦是本謀獨棄關中酬故將平分天下與諸侯雌雄  
劉項分明在本紀原應楚出頭

杜默清狂有替身檀槽鐵撥爲迎神敢將文字翻遷史欲  
弔英雄用美人鬼馬怒嘶陰雨夜山花紅作戰場春霸陵  
弓劍長陵土一代匆匆萬劫塵

贈王四少尹

朝蘭

趙北攀楊柳湘西聽鷓鴣與君離別久況我性情疏絃誦拋  
年月音書隔道途今朝相見晚掩口笑胡盧  
蕭寺西廊下紗籠一點塵山中無宰相林下有夫人花氣過  
亭午茶煙颺暮春牙籤三萬軸觸手尚如新



記得河間府庭槐臥晚霞婆娑吟此樹飄泊傍誰家白馬三  
更雪黃河六月槎何如北窗下跛脚鼓琵琶

二十四福字能停幾片雲子由空四海阿買張三軍老話青  
苔楊閒情白練裙城南韋杜曲惆悵又斜曛

團扇夫人曲爲王仲瞿孝廉題團扇圖

有序

晉中書令王珉悅嫂婢謝芳姿婢製團扇詩贈珉以  
珉嘗手持白團扇也仲瞿分宗琅邪賁廡吳會將於  
短主簿祠旁穿徑礪石奉夫人香火仍屬嘉耦雲門  
氏寫秋風小影徵詩紀事云

渡江桃葉春潮綠腸斷青團扇子曲秋風吹鬢又雙飛明月  
入懷才一握誰家蝴蝶過牆東銜出飛花一面紅謫來天上  
氤氲使留得人間蕉萃容櫻桃樹下相思路一撲流螢有人

妬祇應花裏送郎歸胡爲泥中逢彼怒團扇團扇淒以秋不  
遮離恨只遮羞縱然老婢聲能詠還問小郎圍解不嫁不爲  
炊有時有叔亦不癡女無偶未聞姐已賜周公險把叅軍配  
新婦此事分明寶月團此情惆悵綵雲端阮家人種迫無馬  
秦女衣裳畫有鸞班姬才調明妃色卻扇千金傾一國夢向  
烏衣巷裏遊歌從白紵詞中得琅邪才子舊情癡曳雪牽雲  
有所思浮家恰傍眞娘墓畫壁先題后土祠十萬鴛鴦兩團  
扇婢學夫人君不見願取朱陳邨裏人化爲王謝堂前燕石  
城艇子虎山橋勸酒琵琶乞食簫題成列女圖三丈譜入神  
弦曲一條

題昭明閣內史畫蘭扇子

絕代佳人老畫師空山臭味不差池費他一滴金壺水寫到

花歌葉舞時

半窗朱鳥閣春陰深寫梅梢淡寫心絕憶湘人詞賦裏雪花如片夜彈琴

禊事纔修扇影多天花香散墨池波阿儂家近蘭亭子吹慣春風晉永和

于忠肅公祠

在表背胡同卽公故宅

保邦容易保身難如此頭顱擲一官誰遣兒童歌雨帝終教天子坐雲端力翻北宋蒙塵局事異西周禱疾壇留取數椽香火地讀公前奏涕洟澗

公有辭賜第疏云況朝廷多事之秋非臣子安居之日

手轉乾坤豈偶然長安棋局劇堪憐周旋骨肉無書讀斷送功名以夢傳

相傳公爲夢神

淵孤注平城計留與癡人夜看天

朱野雲斷牆老樹圖爲石敦夫題

朱公示我斷牆老樹圖石公索我斷牆老樹詩之二人者我  
所思之二物者我所知一在極樂寺一在太清觀雞林宰相  
購真形龍門太史作合傳此牆此樹誠無雙突兀一堆空一  
腔彼牆彼樹徧天下不斷不老不詩畫獨不知築牆爲某年  
種樹是何意亦不知先築牆後種樹何在南城太清觀何在  
西門極樂寺牆如殘碑樹如枯柴牆斷若坐樹老而臥客之  
來兮秋涼攬風景兮斷腸幃丹青兮韻宮商合則雙美兮離  
則兩傷蓬萊清淺須彌小嗚呼牆斷樹亦是牆是樹有絕  
期非牆非樹無盡道無有牆樹無有諸煩惱胡爲畫之題之  
不宵休一牆一樹名一愁宿泥剝剝鬼所謀孤根盤盤匠所  
鑿殿齒不到風馬牛烟花點綴蟲雕鏤嗟乎嘻吁鐵圍山

攔不住紅桑花種何處神仙換劫佛滅度如是因緣不知數  
一爲極樂寺中墻一爲太清觀裏樹此際無情似有情此時  
有句如無句若云面壁來何不乘查去

唐稚川表兄來京相見距癸丑歲別於沂州忽逾十稔  
感事述懷不能無詩

與君去住各無邊到此相逢亦偶然上國春風三月底東山  
零雨十年前詩城堅壁愁能破人海浮家恨未填牢記心中  
千萬語每當把臂具難宣

高臺費盡萬黃金但買荆軻一片心嗟在眼前難自見因生  
髀裏感人深當歸草向山中寄解語花從鏡下尋只是一篇  
毛穎傳誤他三世去來今

十樣蠻箋寫未休洪喬真作致書郵替人言語終難肖與我

周旋始欲愁舉案且教春廡下

雅川眷屬時僑濟南

捉刀猶自立床頭

思量一事軒渠甚不作家雞作野鷗

清風涇上讀書聲何苦天涯海角行山水有功詩敗事文章

無福酒成名戴逵門外通宵雪

謂戴松南姊聲余與雅川昔讀書清風涇上同主其家

周昉圖中昨日鶯

此指爲雅川題梅仙圖事圖爲楓橋陳涇南秀才所寫今松南涇南皆已下世矣

抵得山陽思舊賦一枝鐵篴老龍橫

### 破被篇

讀書萬卷讀不破走入破被堆中臥雞旣鳴矣凡幾聲蝨其間者凡幾箇或曰屍可棄我不忘其敝或曰衮可補我非五雜組不相離別轉相親我用我法橫自陳芙蓉城裏蒙頭入鸚鵡洲邊伸脚出一年又一年春秋冬夏無不然萬里復萬里東西南北而已矣蜀錦重重無片段吳綿團團逸其半叅

來羅漢五百尊幻出觀音十一面彈斷銅琵琶披出鐵袈裟  
石破天驚逗秋雨中有殘夢恒河沙君不聞湖州唐六歌有  
口又不見揚州朱八畫有手唐猶及見未破時朱獨相憐巴  
破後今茲襖被春明門車如雞栖馬如狗黃竹箱中什襲藏  
青苔榻上周旋久被兮被兮可奈何世間破被有許多安得  
盡遣朱八作畫唐六歌我乃化爲蝴蝶夜夜飛天魔

破被詩爲鐵雲作

唐以封

昔年聚首楓谿曲篝鐙相對奇書讀統如五鼓始肯眠破  
被蒙頭如蝟縮後來同買青亭舟酷暑蒸入漿汗流手推  
破被眠不得河隄塌席驚沙鷗水蚊無聲偷飲血周身受  
困惟存舌富貴難忘細席言不許小兒腳踏裂彈指別離  
逾十霜相逢日下喜欲狂雞鳴風雨如夢寐齷齪破被仍

堆牀我因見之長太息人生不如破被得留君破被識君  
心豈但功夫玩物力爲想鴛機砑錦時中央四角寸心知  
君今長物無過此若遇平原再買絲

題破被圖

朱鶴年

冷被多年鐵打圍杜陵舊雨送將歸替他絲筆傳春夢一  
夜鴛鴦破壁飛

十年禪榻睡魔消留得姜肱被一條還似霓裳初出破青  
天補石月修簫

朱八野雲好畫古舊服物見余破被橫陳早便留意  
及讀唐六稚川詩欣然點筆傳神阿堵不啻冷暖自  
知乃并書歌圖後裝池以贈稚川它日歸夢東山當  
復一府傳看黃琉璃也壬戌夏四月鐵雲識



題孫子瀟孝廉把酒祝東風種出雙紅豆圖

匆匆二十四番花醉殺中山賣酒家四壁芙蓉誰綠綺一箱  
鸚鵡又紅紗竟無消息金泥字最有因緣玉書又牢記鬱輪  
袍一曲也應彈破舊琵琶

世世燒成九轉丹年年打就兩疑團樽前種樹三生老鏡裏  
拈花一笑乾蓮粉空房心自苦梅陰深院齒曾酸箇中滋味  
能相似青鳥飛來不許看

吳興太守老填詞寄與孫郎帳下兒楊柳枝添殘月唱旃檀  
香近逆風知三條燭冷看成碧九陌塵空化作緇留得天王  
珠在手殺花聲裏咒相思

酣來擊筑俄吹簫北轍南船兩路遙住亦天涯仍咫尺生猶  
同世未蕭條軟紅風土花遮影慘綠衣裝酒借澆何不鴛鴦

香火社人天色相大家描

雨夜與仲瞿讀子瀟天眞閣詩集卽書其紅豆圖後

讀曲生紅豆題詩采白蘋三杯無等呪一卷有情人妙手文  
章得離懷道路眞西窗今夜雨點點細如塵

憶我親朋字論交孰可傳王珉團扇底孫楚酒樓邊香占夫

妻福

子瀟學詩於閨中仲瞿婦工畫

春叅子弟禪詩城過百雉強似大羅天

落花詩

一帽山花忽研光看他同日詠霓裳最難聽處三更雨始欲  
愁時一陣香珠玉九天殘咳唾江湖滿地舊文章白雲鄉裏  
分明路錯認溫柔作故鄉

年年紅陣戰蜂分七寶牙幡偃暮雲不倒塌除非錢樹子遲開  
難舞鬱金裙空枝裊裊簾前立小草萋萋陌上熏末路才入

新寡婦蔡文姬對卓文君

隨藍風起徧天涯點點恒河有數沙獨坐將軍留大樹微吟

宰相占梅花泥黃欲傍誰家燕陰綠能藏幾箇鴉儂在傾脂

河畔住

其地有落花橋

者橋名字太繁華

十二層臺百尺梯綠章香案候潮雞碧憎霍霍雙鷹眼紅踏  
荒荒四馬蹄仙爪太長桑換海禪心漸老絮沾泥當初肯築  
移春檻孤負金鶯恰恰啼

殺風景事絕風流錦樣年華水樣愁井底胭脂門外虎林間  
裙屐閣中牛三通敗鼓催消息九錫疑文費校讐宛轉蛻蜩  
驚蛺蝶糞其狼藉野花秋

紫玉衣裳碧玉簫浪傳生日是花朝殘鐙飄蕩難成夢冷酒  
淋漓不受澆一簪冬烘元氣盡九邊春信笛聲驕不如捉住

青鸞尾萬斗香塵一擔挑

月夜過蔣楚生刺史水月禪林寓居閒話並邀仲瞿歸宿見香室攜續本事詩借讀一過作詩記之

豔絕虹亭本事詩南朝金粉北胭脂百年花月傷心語一夜烟雲過眼時繞座自叅女子定借書不讓古人癡相看何物酬清興鑪篆三熏燭半枝

題長相思圖

長相思遠離別江南江北楊柳多一夜東風落如雪別君黃雲城城頭日暮樓烏驚思君白玉堂堂中春深歸燕翔水流花謝無顏色天長地久無消息昔爲卷中人今爲陌上塵昔爲素女符今爲倩女圖樂莫樂新相知愁更愁長相思相思者誰君知之君不知之君別離

南飛鵬鴣北飛燕來時去時不相見東邊日出西邊雨無晴  
有晴不得語不語不見豈不思思之思之無已時此身但恨  
別君早此心直爲思君老春雨落梅秋風掃苔風雨如此君  
胡不來君不來長相思燭有淚蠶有絲

冥冥來上珊瑚牀先爲蝴蝶後鴛鴦入夢記夢出夢忘夢短  
不抵相思長古之傷心人乃以巫峰一十有二處朝朝暮暮  
爲雨雲朝聞而東東暮呼爲眞眞還君明珠雙淚落天上人  
間好樓閣彈箏篴而聲淒寫鳳紙而情薄獨不見靈媧補天  
天乃漏精衛塞海海更溜死不必買青山生不必種紅豆爲  
君三疊長相思一池春水多吹皺

奚岡聽松讀書圖爲邵叢題

蒼龍參天萬風亞石上流泉仰而逐客有相賞松石間橫埽

翫谿當結夏君家半畝園六月賣無價我聽落花聲年年被  
花罵相逢一笑兩紅塵歸去急將人面研畫松之手能畫風  
聽松之耳聽不暇進可作謝幼輿退不失蕭思話或是王摩  
詰科頭箕踞長松下徑嚼松花與松化攔出秋山青一架君  
坐讀書我讀書

雜言八首與唐六稚川話別

別君已十年見我無一月於此唱驪駒能無少留歇春風吹  
酒旗不飲醉兀兀千佛經之名千里馬之骨且當舸逐鷗慎  
勿壁見蠅

不挽兩石弓彼一眞福將但讀半論語此一賢宰相老大畫  
蛾眉蛾眉有十樣罪首王安石鞠躬諸葛亮秋烘而春烘烘  
出冬烘匠

行脚十萬里不過一老僧蠹魚不識字三食道德經海外碧  
海碧山外青山青漢武欲成仙梁武欲成佛成仙生服藥成  
佛死喫蜜

雞鳴與狗吠兄嫂當知之鶴怨與猿驚爵祿固可辭不患名  
不立而患德未滋事親無他道但如初生時交友無兩端但  
如新相知

我有絕交書不畏錢神怒黃標復紫標後福前定數銅山賜  
鄧通枵腹難鼓鑄金屋貯阿嬌拆賣長門賦兒女癩如雷都  
爲兄所誤

好名如好利患失不患得銅臭與餅香一樣不可食埋頭鑽  
故紙字字如鴉黑試問梅都官弓衣何處織下馬草露布必  
上馬殺賊

買酒不買醉種花不種香書券不書字擒賊不擒王飢亦知  
菽粟寒亦知衣裳身有七尺強面有一尺長如何一寸眼乃  
無一寸光

天地慳功名英雄重離別功名千百年離別在一瞥杏花雖  
自開不如折柳絲桃花雖自肥不如采華芝身非菖蒲花會  
有相見時

庶子法梧門先生枉顧竝索題詩龜圖會脂車南下卽  
此呈別

三生香火九州烟遲到靈山二十年北斗四星韓吏部東風  
三月杜樊川懷中書刺都磨滅篋裏恩情忍棄捐

屬寫團  
惆

帳史公牛馬走盤楹還有舊詩篇

來索先檢  
討詩稿

絕頂茅菴最上乘畫師詞客鬪谿藤是誰說士甘於肉有此



居官冷似僧石鼓巖宮前祭酒玉堂青史夜然鐙東歸花樣殘絲曲欲繡平原恨未能

天涯芳草綠無痕騎馬雞栖與重論戶限功名多失意選樓詞賦易銷魂鶯花天上成千里烟水江南又一邨賴有鯉魚三十六定隨秋浪到龍門

荅示仲瞿話舊之作十首

苦竹關山細柳營中間篝火有狐鳴

丁巳余偕王備兵自燕赴金竹軍營行次許昌

遇教

兵符夜避紅娘子

女賊齊王氏由楚竄豫熱掠保安驛遂走武關

天榜春歸白

玉京

已未余還自海外東坡傳九死言余已被害

人間南

斗注三生

襄城令巫宜福力勸北轅

傷心墨子回車地冷聽霜鐘十八聲

返轡寓祥符大相國寺者二十日

戰鼓隆隆雨點銅

苗俗最重銅鼓

峯山好水古南籠

神苗既平詔改南籠府為興

義府苗以山之高者先生鬚髮三千白逆苗韋朝元綽號七

為岑水分流曰孖妖婦王囊仙自稱皇僊會與諸侯觀

壁上不妨女子在軍中土千總龍躍么妹年十八曉冶無敵

曰萬峰絕頂中秋月親見裙刀殺賊功七縉鬚王囊仙泣於

巢穴之險峻者也

檄響難蜀勒燕然古文文章好便傳自註作論若苗文檄數

十通苗人識字者誦之轉相洞裏竟將生虎縛閣中誰取大

告語皆泣拜投誠不復反矣初苗平當事者以幕府賓僚列請議敘余耻

牛鞭不具狀而同時投効者三十六人剔剔不已雌雄劍老

埋雙氣長短書成賸七篇不賞邊功緣底事將軍福命相公

權意不相中疏入格不能行

漸漸秋風上短衣東轡菰菜一舟飛余從楚南杜陵廣厦今

無恙借住沈松廬廉訪易成南華老屋今已彭澤迷途昨更

非在軍中可敘作縣令五角六張天上夢千山萬水客中歸

浪遊不厭腰纏重為問揚州鶴可肥

皋橋杵臼夜無聲仲瞿時寄謬被公卿識姓名霹靂編成方

技傳前都御史吳公仲瞿甲寅舉主也疏薦仲瞿語多不類

百里雄雷留孝若六州生鐵鑄顏回又中年烟雲圍住矣人

霹靂驚王導半片簾條覆庾冰皆紀實也

城仲瞿婦雲門氏工畫方仲瞿遺飛語時人多不敢與李

陽大俠拳猶老晉天水太守李陽稱京都大俠石勒所謂飽

太守李基同薦故云王衍清談掌自鳴萬章稱按掌作記否東西支遁

巷大羅天外兩書生余時自黜還訪仲瞿以事速故皆不與試

海曲長沙笑口開天然蹤跡不須猜余偕終方伯入楚仲瞿

滕王閣序中語為笑及辛酉重來都下仲瞿贈詩云吳娘暮

雨瀟瀟去楚客秋風嫋嫋來半部離騷山鬼識楚人有祈夢

廟者其籤詩皆摘取九歌中字句爲之一聲檀板水仙灰仲瞿嘗作王翠翹徑

從花外揚鞭走排出金銀太平臺仲瞿自吳門至登州登蓬萊閣觀海市又浮海至大

小欽山沙門島所撰七言律詩若秦東門望仙門及海市諸作皆奇偉可喜

畫鬼癡符選佛場語言容貌兩茫茫辛酉大挑見葉榜發又遭擯斥凡此兩人略同

升天雞犬饒嘗鼎有誦仲瞿乙卯落卷起地龍蛇冷逼牀去

京師大水余有辛酉紀雨詩仲瞿時已南歸來詩所謂送我南船抱白甕是也食肉僧逢楚懷素仲瞿

還寓虎邱與武昌借書車訪沈東陽余依天津令沈小如縣齋暗中定有

鐵舟同住一樹園

牽絲者鮑老當筵笑郭郎

吳船似屋與家浮載得閨門一段秋仲瞿嘗賃一舟貯書忍

換浮名官不許仲瞿呈請禮部改名蠡舟宗伯達香圖先生

似別字矣癖耽佳句賊能偷余錄仲瞿七古詩一卷於篋而

遂弗許紅男綠女花三昧用雲門氏所撰虎邱四面玉笛銅弦上一

耶仲瞿近所作唐六如墓及西如此江山如此客人言愁始

我猶愁余有題項王墓詩後三首

忙過槐花又杏花春明門外即天涯文星墮地頑於石老女

當梁小似茶來詩原註唐制子午卯酉為當梁年女子不嫁

稱元遺山詩學三轉男身新綠裏來詩死胎三墮或生孩蓋

念新詩似小茶雙鬼眼舊紅紗仲瞿去年留別詩云飄分明歸燕曾

中三一相識不記尋常百姓家仲瞿去年留別詩云飄

漫說泥金帖子看仲瞿題余殊卷詩云也買胭脂畫牡丹買

金帖摩挲銅狄視刀鏤容易畫他難分明玉唾壺中物只作泥

十種神仙逃赤籍半房兒女累青山仲瞿浙人而嘗居吳不

須折盡長亭柳留與他人歲歲攀余燕人而嘗居浙

來詩

王 曇

戎鼓喧天一柱銅蠻鄉兵幕瘴鄉風書生汗馬髀無肉妖  
女囊仙血尙紅才子文章山鬼泣婦人茶火大王雄中年  
空橐從軍筆不乞平夷一字功

些些招魂不到家青山白面又長沙三閭血祭叢祠字太  
傅承塵破廟花賀老琵琶怨場屋禍衡鸚鵡戀天涯巴江  
烽火瀟江月愁夢湘娥十二髻

神龍風雨殺豬婆送我南船抱白鼉下第書生留大命公  
車舉子踏天河水官解厄城三版仙女療飢米一螺留得  
姜肱粗布被大床已被惡龍拖

五色明珠一斛才大羅天榜又橫開紅紗古鬼魔宜退老  
女當梁嫁也該名將七禽終得賊死胎三墮或生孩金丹  
火字泥金紙逼得鎧光響爆來

詩派

詩派圖成有別裁江東羅隱又空回雲英已嫁方干老送出  
開門節度來

出都之次日宿白溝示仲瞿

銷除水厄舞山香秋雨春風各一場社酒三杯送歸燕車輪  
四角笑亡羊連年襖被人如夢每夜篝鐙話最長比似來時  
差快意不教關吏看詩囊

半樹斜陽赴暮愁白溝河水抵鴻溝攔腰碧草埋酣戰撲面  
紅塵悔浪遊歌罷數錢逢姹女飢來傳食到諸侯軒渠鑄錯  
桑維翰一硯磨穿十六州

題仲瞿重過西楚霸王墓詩後

一樹白楊風開門葬魯公人歸三月後詩滿兩山中駿馬魂

猶汗轅牛血可紅銅弦鐵綽板重與唱江東

原詩

王曇

大雞山後小雞前馬血人燐一冢烟白帝山河五十步  
公碑版二千年伯才遇主談何易轅下無牛祭不虔亦有  
烏江歸去客穀城山下又留連

同作

孫原湘

憤王墓上草先秋如此興亡一哭休七十戰纔餘寸土八  
千人恨不同邱時來雉亦烹功狗事去人爭笑沐猴顙頓  
孫郎重下拜江東歸去有扁舟

瘞僕篇

唐金保臨桂人病歿交州余爲瘞之城西門外觀音  
庵左側官隙地旣書其姓名里居生死年時於石仍



爲是詩存吾集中

四月杏花飛主人出郊宿老僕載後車睽睽張兩目云是酒  
病發低昂如醉竹鬲上住已難睂下然更蹙蒸爲爛竿頭波  
及河魚腹苦口百味藥搖頭半盂粥行行重行行錄錄復錄  
錄廿七過盧溝廿八憩涿鹿十日抵兗州端五及初六攜僕  
入店眠柅我一雙轂三更鐙熒熒其氣時斷續四更馬蕭蕭  
五更雞喔喔耳風鼻火中忽有血如漉奄然臥而僵日上黃  
茆屋當時一杯酒身外四周木埋之陶家側秋草淒以綠生  
死有常期痛爾無骨肉爾生西南隅爾死東北麓事我十年  
餘共我千里逐隨爲係丈夫旅乃喪僮僕旣掩張進骸難繼  
易牙躅僕精治肴饌紙灰不直錢酒債償已足太息爲此詩蕭條  
不可讀

與孫子瀟席子侃王仲瞿登兗州城南樓

青衫葉葉寫風聲古意躊躇五字城  
亂世奸雄漢丞相破牆絲竹魯諸生  
雲連南北東西路人有悲歡離合情  
比似武昌樓上客胡牀孤負月華明

趙味辛司馬權知兗州置酒少陵臺送別

白首千間屋青山百尺臺懷人新舊史  
送客淺深杯東海浮雲去南樓細雨來  
三年笑皮骨得句重低徊

稷契空相許風騷自總持三篇大禮賦  
一代盛唐詩老尙依人慣生應恨我遲  
千秋勞悵望況是別離時

東郡趨庭日當年最少年可憐垂老別  
不幸以詩傳身受全家累官隨去國遷  
岱宗青未了誰辦草堂錢

時重修東魯書院並於其旁爲

祠工部

曲阜拜 聖人林下

也列門人弟子行百端交集此茫茫生無煖席悲行路死有深衣記閉房四尺崇封雷雨避兩楹殘夢地天荒杏花壇上春歸去腸斷東君一瓣香

少年嬉戲壯遨遊鐵絕三搥老未休劫火紅燒秦月令史才青削魯春秋出家仙佛開生面入彀英雄到白頭十二萬年無大過著書纔不負窮愁

讀書容易廢書難初志蕭條晚節寒半部功名輸吏牘一堂歲月誤儒冠身非兕虎琴三弄道在蠹魚鋏再彈爲是絕糧仍負米飽嘗粗糲百年餐

行次費縣遇雨縣令遣人來迎宿館兩日於脂車時題詩館壁爲謝

轆轤惆悵水成窩纔到城根驟雨過山接鳬蒙饒古意客來  
燕趙尙悲歌平生一飯恩難忘此券三書路較多比似耒陽  
賢令宰黃牛白酒笑如何

蒙山歸雲歌

五更騎馬蒙山道雲裏雞鳴雲外曉行人出店雲歸山雲比  
行人行更早一雲忙又一雲閒雲雲斷續山屏顏忽然四面  
天如笠但見浮雲不見山依稀辨得雲中樹看雲恨不留雲  
住山靈一笑候雲歸昨夜雨聲在何處雞黃團團日三丈東  
山高臥東方亮山如新沐翠烟鬟雲似橫開錦步障雲去雲  
來山不知青天蕩蕩風吹之太行山上遠遊子彭澤縣中絕  
妙詞人生出處有時有變幻浮雲翻覆手在山雲靜雲白衣  
出山雲動雲蒼狗雲兮歸來山之中山鳥撲翠山花紅慎勿

角逐相上下有人夜半騎白龍回望泰山雲嶽嶽東蒙山頭  
泰山足待我男昏女嫁時襪被蒼烟就雲宿雲兮歸來我欲  
歸朝朝暮暮是耶非心知西北高樓遠目極東南匹練飛

雨夜書李家庄壁

分明避雨入山行行盡山阿雨不晴何必人間望天上只消  
七十里郟城

昨渡沂河水到腰東來馬首意猶驕再添一夕風雷雨濕過  
桃花第幾橋

山莊雞黍話綢繆老屋三弓火半篝收入王維圖畫裏鬱輪  
袍曲下場頭

是夜仲瞿寫  
東山聽雨圖

清河逆旅贈別歐陽棣之

所還金陵

雞狗

辛酉  
壬戌

文章恩品題槐花忙過舊輪蹄浮生似夢三條燭

癸丑與狹路相逢一斗泥雨遇峒駒白光陰都老大鱗紅消

息總淒迷長淮浦上通宵月直送先生到竹西

已渡黃河又渡江家山點點入船窗春歸王母山香曲秋在  
吳娘水調腔送客風烟詩紀事借人畏壘酒開釭石城艇子  
長千里準擬閒時打槳雙

舟次贈別席子侃孝廉卽書朱野雲畫扇後

何苦長條送短驂依然烟水遍江南私情易易圖中急公案  
龍華劫後參三月落花同逐客一袍青草佩宜男子侃時尙  
未有子  
扁舟他日齊門路認得虞山碧似簪

風流儒雅寸心知相對何曾臭味差質廡幸猶憐我近還家  
翻是別君時前宵風雨輪生角後會江湖鬢有絲要遣動搖  
懷袖裏那邊圖畫者邊詩

卽次鐵雲見贈原韻爲答並別仲瞿

席世昌

買就扁舟脫卻驂一江烟月向東南窮途得遂還家樂多

病從來真訣參露布軍門降鬼子

鐵雲嘗從征黔南軍營

風帆海市

訪童男

仲瞿自登州來

此行許逐豪情後醉折花枝笑共簪

元白才名世早知同聲吹徹玉參差家居烟水相通地歸  
趁鱸魚最好時鸞鳳爭調佳耦瑟珊瑚欲拂釣人絲功名  
一映浮雲外那及長留幾卷詩

酬別子瀟

解識相思獨有君眼中餘子亦紛紛衣裳遠夢催刀尺風雨  
深談接履裙千里放還真快事一篇跳出卽奇勳把君詩句  
當君讀正是江東日暮雲

擬卜南邨話歲寒便將馬策換漁竿歌從欸乃聲中聽家在

迷離畫裏看歧路關心近瓜步故鄉回首渡桑乾風神豈是  
無情者相見難時別亦難

泊舟淮浦守風與鐵雲竝船話別

孫原湘

小市橫街乍識君落花同詠雪紛紛詩名早記紅紗壁書  
法爭求白練裙絲竹春聲蕭協律樓臺曉夢杜司勳南來  
一種風情勝莫念家山望北雲

清淮六月水聲寒小泊檣舫日半竿此去江山如畫好向  
來花月竝愁看百年交誼醇常醉一路題詩墨未乾寄語  
前途風莫轉到家容易別君難

阻風高郵州

貪看湖心種白蓮石尤風起夜無邊連宵好夢長淮月半世  
虛名下水船削鯉書隨潮信至盟鷗客狎浪花眠商量明日



添枝艣搖到揚州只半天

飄鸞泊鳳自塗鴉曉色沉沉罨碧紗居士能爲翻水偈丈人  
真是逆風家帆迴滄海迷三島石壓銀河老一槎漸作嫩涼  
增客思衣裳葉葉鬢沙沙

三朝三暮正徘徊如此波濤且未回留我水光銷暑去看人  
帆勢破空來忍捐羽扇閒無用橫卷漁簪撒不開何似江南  
畫船裏風斜雨細過黃梅

蕭晨登岸賽神還賦罷雌雄笑客頑大塊文章多假借八公  
草木太闌珊又看暮色來湖外不覺秋聲在樹間那得落霞  
孤鶩句峭帆飛過馬當山

平山堂作

纔離城市便無塵酒海詩天載一輪萬斛閒愁初漲水十年

殘夢再來人

癸丑遊此

園林鐘鼓無常主烟月文章賸此身已過

江鄉銷夏候半山天氣尙青春

與仲瞿宿虎邱蒼靄山房曉起看荷榭驟雨有作兼示

武昌鐵上人

眼不看長安花腰不跨揚州鶴腳踏紅船晴渡江直向虎邱  
山下泊登山夕陽猶在樹鐵舟所住吾亦住一笑見鐵舟一  
別三兩秋我從別後攜玉笛三弄黃鶴樓漢江鴨綠不變酒  
五月梅花亂打頭師不食武昌魚我不騎灞橋驢同來拜佛  
王摩詰笑殺吹簫伍子胥功曹之榻司業牀東西兩夢分秋  
涼夢醒不聞黃米熟但聞荷花香起來看花花出水樓角朝  
霞紅似海一時飛雨過山前山外人看但蒼靄匆匆迴棹又  
離羣一宿微茫水國分有我題詩了來意妙蓮華上妙鬘雲

山塘過陳亦園夜飯並懷龍雨樵先生

明鐙風下紫船痕，喜有詩人不閉門。  
花裏隱居連綠水，酒邊閒話愛黃昏。  
已銷塵土三春夢，且荷盤飧一飯恩。  
後夜垂虹

亭畔路相逢，相別兩銷魂。

亦園吳江人

西抹東塗結客場，停橈相問是同鄉。  
題詩豈便撻黃鶴，買紙

居然貴洛陽。

亦園手寫同調集一卷，皆余與雨樵楚中倡和之作。雨樵前宰吳江，故與亦園相識。一片

豬肝君未累千金，馬骨我難償青蒼。  
吳楚遙相憶，回雁峰頭

字幾行。

金六桐門邀同仲瞿泛舟山塘送別

畫船簾影夕陽摩，消得當時酒一螺。  
七里樓臺燈火上，中年親戚別離多。  
杏花已賣清明雨，鷗鳥難馴浩蕩波。  
聽慣畫船橋下水，夜深欸乃又搖過。

沈賓谷

匪生

別駕柳西把卷圖

愛趁南湖夜月舟  
郎君東閣記勾留  
宅邊種樹陶元亮  
架上藏書李鄴侯  
石氣翠沾三面水  
茶烟青埽一房秋  
是誰寫作清涼境  
況我風塵久倦遊

往歲漁陽雨不晴  
北條龍水卷沙聲  
治中別駕才初展  
溝洫河渠志早成  
一畝宮閒懷嘯詠  
十年書破笑科名  
遲君他日凌烟閣  
鶴渚鷗波有舊盟

初僑禾中汪翠亭甥倩與甥女蘭岩俱至於其迴棹後  
作詩寄懷

十年風雨唱催租  
到得今年錐也無  
記取秀州門外水  
鶯鶯飛去是南湖

情話西窗夜翦鐙  
論詩已在最高層  
三年夢斷梅花社  
又與

青山打葛藤

蘭岩誦其遊龍井詩中如下瞰西湖船似鴨夕照雷峰不見塢皆近宋人句法余別西湖至此

又三年矣

梧桐鄉裏纔移具楊柳灣前亦比鄰容易三間茆屋底太平世界苦吟身

蘭岩鈔寄西湖舊遊詩因題其卷遲便寄之

段橋東去水雲寬隔歲扁舟趁暮寒好景最須佳句寫名山  
難得美人看舊遊飛夢秋三市芳訊乘潮月一盤三十六鱗  
多鄭重題詩容易寄詩難

爲人題豆棚閒話圖

清淺茶鐺濁酒杯秋聲香送豆花開不須更糴桃花米蒜友  
瓜朋日日來

水天閒話隔重簾未抵涼陰四面添償盡人間言語債夜深

殘夢一鄉甜

田園雜興儲太祝裙屐風流晉右軍些子韶光阿堵裏桑麻雞犬亦紛紛

留髡送客太荒唐野島山花此擅場只要一年天氣好三家邨裏話農桑

三千說法諸天碧廿一彈詞野史青等我南樓清興發也來搬與大家聽

相逢行贈陳髯序璜明經

初見我無鬚君鬚尙猶黑再見我有鬚君鬚已全白及今凡見三黑白各如昔始知伎倆窮不能再變易就更數十年兩鬚揅一擲不聞黑白外復可變他色保蟲豸混沌凡事逢其適未必賢不肖一一造尺籍三年一甲科天亦不甚惜百年

一胎生人亦不甚積佛家論感應弱者慄衮戟仙家語飛昇  
強者服金石或然或不然可責可無責殊塗而同歸數百千  
萬刻聖人有憂之乃章甫縫掖創造名利字成就智愚癡始  
但損精神終必奪魂魄定例衆僕蟲死年不滿百爲善不肯  
死毒之以飲食爲惡不肯死勸之以刑辟善惡皆不爲生死  
聽自擇棺下無譏焉水火刀兵疫或曰太不仁我謂最上策  
止此幾畝田止此幾兩帛同飢不同耕同寒不同織死不如  
無生固怨天地迫生若竟不死又恨天地窄有死無生人誰  
與其晨夕有生無死人勢難再開闢十有二萬年可知所損  
益鬼神妖怪奇聊取備一格富貴與貧賤令彼互相役恩愛  
與冤仇令彼迭相嚇細數萬牛毛橫爭一駒隙娟娟飾觸體  
汲汲待窀穸庶數十寒暑男女不勝劇否則太寬閒何術消

遺釋乃知四無常羅列在几席所以三不朽猶賢乎博奕此  
非獨我然正恐想君亦君能不爲官我難不作客且歌相逢  
行巨躍者三百君髯若肯掀吾髭正堪摘

登巢雲閣望虞山有懷子瀟子佩

蕭蕭落木響江關高閣憑闌徙倚間畫舫風歸三弄笛夕陽  
簾卷一樓山音迷空谷人如玉秋在扁舟客未還何日共來  
城市裏支持傲骨話離顏

虎邱竹枝詞

幻出閭浮色界天青山綠水兩橋邊不知誰障牙籌者細算  
他家樹上錢

不須別館起芳名何苦扁舟載遠行只有東山王主簿二千  
年裏做人情



春隄風嫩草纖纖綠上裙腰一道黏不信山塘真七里弓弓  
量過繡鞦尖

茉莉花開蝴蝶飛湖船女兒買花歸北人不識簪花格了髻  
山前雪一圍

五月龍船八月鐙綺羅簫鼓水層層阿誰讀破鴛鴦譜只有  
巢雲閣上僧

韋蘇州後白蘇州僥倖香山占虎邱四面紅窗懷杜閣一甌  
花露仰蘇樓

埋骨青山隔幾春英雄沾盡女兒巾五人之墓千人石爲活  
千人死五人

論片玻璃載酒船船窗還要紫檀邊囚屏風裏黃金穴壓匾  
山塘水底天

低頭小立寺門陰  
未了齋僧舊願心  
放下禪堂三十棒  
幾時羅漢請觀音

不文不武岸上郎  
不男不女船中娘  
如此好船不肯坐  
央人牽馬上山塘

上山蜂蝶下山鶯  
派與楊花管送迎  
是妾看郎郎看妾  
分明當面不分明

兩岸園林夾酒樓  
冶坊濱外最清幽  
吳兒使船如使馬  
再出一回水纏頭

纔施脂粉態生嬌  
偶弄絲弦韻易調  
定有風流衣鉢在  
真娘顏色伍胥簫

蓑衣仙肉身塑像

元張昱廬陵集詠何立事詩注云宋押衙官何立秦

太師筭往東南第一峰恍惚引至陰司見太師對岳  
飛事令歸告夫人東窗事犯矣復命後卽棄官學道  
蛻骨今在蘇州元妙觀爲蓑衣仙

叢祠香火日平西南宋衣冠賸此奚立地神仙生斗柄熏天  
富貴死夫妻半窗殘夢癡人說一路燒香餓鬼啼定有蒲團  
公案在鐵鞭聲裏過泥犁

漆身非癘亦非狂比似那吒願未償宿草遮欄窮骨節爛泥  
包裏臭皮囊六陵霹靂冬青樹一笛瓊瑜地藏王明現凡胎  
來說法何曾野史太荒唐

說鬼猶當妄聽之做人況有笑啼時但留隗順獄卒瘞生何  
益可惜施全死太遲成佛屠刀腥有血搽神史筆禿無枝便  
教直抵黃龍府十八層中暗不知

秋涇橋別仲瞿

桑下人三宿山前月半鉤簫聲吳市散帆影具區浮詩冷紅  
楓樹香銷紫綺裘昨宵飛夢處七十二峰頭

泛宅船錢貴行厨飯量加袖中東海石

仲瞿贈一硯

江上兩梅花

是日得法祭酒及孫散秩書

讀畫收寒具澆詩喫苦茶

皆昨夜舟中事

篷窗對床

語還似坐同車

棋局觀成敗鑪灰畫淺深歲寒遊歇脚夜靜事當心星角占  
雙劒風懷老一琴因緣時起滅惆悵到如今

來去堂前燕雌雄屋上烏中流歌翠被隔岸見黃姑

有僕攜婦求竝

載乃爲別

驢券猶三紙鴟夷亦五湖西京舊僮約相視笑胡

盧

復有新買一僮仲瞿前寄余詩有呼童許散愁句亦謂余鬟自吳門攜歸一僮也

杵臼全家載烟霞到處招花開越王陌人渡浙江潮去指西

興驛歸經北麗橋移居吾用里肯爲一停橈  
倚權過城北抽帆入剡中亂鴉千樹合淺水一橋空人影初  
斜日湖波欲轉風與君時錄別愁苦亦難工

雪夜懷仲瞿西湖寓居

北風生雪雪殺風玉山崢嶸銀海空中有兩客差可擬西湖  
南湖三百里君住西湖頭我住南湖尾西湖淼淼水雲間南  
湖濛濛烟雨裏三十六天花影麗八十一點消寒圖我從南  
湖憶西湖不知今夜西湖雪還似南湖雪也無生不願鄭公  
騎驢霸橋上歇後詩成作宰相又不得裴公夜入蔡州城打  
起一池鵝鳴聲徑須去貫旗亭酒筵笛年年怨楊柳忽憶會  
稽山樵朱百年送婦還家無一錢初聽蟹沙沙仰視龍衙衙  
坐燼銀荷葉開出白符花姮娥抱鏡避三舍玉女投壺粲左

車瀛洲玉塵不論屑天公歡喜人離別我住南湖尾布被冷  
於鐵夢中七十二鴛鴦撲撲帳楊花春不熱君住西湖頭西湖  
梅花愁更愁前身一箇紅藤杖曾向孤山絕頂遊青山一點  
芙蓉落比似林逋太漂泊妻當梅花子當鶴君亦草泥吟郭  
索我不能如君家子猷夜坐船禁寒忍凍來至前且自圍爐  
歌一曲趁夜航船寄君讀我寄君詩句短長君讀我詩聲斷  
續雀啾啾雞喔喔相思一昔不相聞何不西湖喫飯南湖宿  
祀竈日唐孟蕃秀才寄示與陸杉石太守飲酒詩附題  
其後卻寄

殘冬冰雪避無臺一竈黃傘又送回酒債尋常詩債急春波  
橋下鯉魚來

琉璃硯匣肅霜裘滿泛銀槎寄玉鉤只我筆如君帚柄可能

橫埽一年愁

太守醉也可千日秀才康了時一中金谷之例罰不得吾詩  
與酒皆無功

餅水齋詩集卷十

大興舒位

昭陽大淵獻

讀天台志要新刻見宋左彛助教二詩余與助教久不相聞誦詩如覲題後一首竝寄

我昨夢入天台山山花山鳥非人間夢中懷人私自語恨不與君同往還雄雞一聲了夢事不見天台山但見天台志寸寸濃皴群玉圖行行密寫珍珠字中有瀑布灑石梁一縱一橫勢莫當要得奇詩掃奇境況是青天挂瑤鏡再過拍手厓何處仙人賣酒家瓊臺百尺飛酒花勝於粒粒餐丹砂不知君今何以設此想老我胸中四萬八千丈我夢旣非假君詩亦的真可惜當時入山去但有阮肇無劉晨與君一別凡幾



春思君一見當幾旬十年各喫胡麻飯定有桃花笑殺人

月夜石梁觀瀑

宋大樽

我欲持北斗酌泉獻高穹道人但搖手其上橫蒼龍須臾  
玉女鏡已挂瓊臺東照見水精簾空明千萬重天風莫吹  
卷夜護神仙宮仙樂奏何時千春猶未終寒生五銖衣去  
去莫留蹤願言觀日出騰身華頂峰

過仙人拍手厓

天仙大笑來人間可憐天上無青山白榆如錢落我手安  
得瓊臺亦賣酒青山把酒樂如何不比仙官禮數多時乎  
時乎仙亦不可以蹉跎

汪十一自號翠亭錢凡山取以爲圖屬題一詩

種樹今無恙誅茆最有情兩家思舊賦一卷讀書聲標格逢

人說文章以字行畫師工遠勢蒼翠自然生

浙東漁者於海畔網得大龜重六百斤杭州破迷禪師  
進香普陀以一萬錢贖歸集僧衆昇龜上招寶山絕頂  
浮巨舶面海放之龜迴波頻首者三而逝

龜之藏於海者不知壽凡幾海不知幾萬里海水不乾龜不  
起皇天鑒此久沉淪漁父絡龜出海底龜出海底龜有神龜  
來自何處龜重六百斤或言七百不等云一顧蠹蠹空龜群  
碧落黃泉春一笏翻身跳出蛟龍窟雨不作朱鼈浮睛不作  
白鷗沒魚上青松象渡河爾何不銜走泥牛月使爲一目羅  
則不如千絲網載龜一船蓮華十丈鼙鼓送行小海唱鮫人  
淚祖珍珠帳人生何處不相逢龜見漁而擒僧見龜而放僧  
來南海風馬牛佛香一瓣飄中流忽來眼睛鼻孔大於斗櫻

成金網無時無踏破鐵鞵有時有河圖洛書天不守一萬錢  
六萬字龜六百斤拜其賜字字摩挲有生意險把鯨鯢京觀  
封焉知鰲蚌漁翁利擒龍容易縱虎難吾惟見蒼蒼之海山  
擡龜上山璞可完掀龜入水珠可還梵音海潮音山鬼泣露  
紅斑斑斧柯可爛牀腳不可從一物不容海所耻一錢不直  
才所使一字不識衆所指破迷不識字讀破相貝經幾爲勸學死  
鑿開混沌竅留取報恩子搖頭擺尾無人吞俯者靈仰者謝  
三足謂之賁靈爲巨鼈戴蓬山生不願河鯉登龍門三面之  
海一面網水到成渠葉落歸根君不見來處來從去處去我  
歌有句如無句來者疇有緣去者疇有權來時一去時十有  
二萬年法師耳鳴聲聞千天新豐美酒斗十千脫下袈裟當  
酒錢刀鐔無恙春無邊

春寒

今年瓦雪溜簷冰春在諸天第幾層聞道菜花先怕凍思量  
減我讀書燈

題昭明閣內史畫梅

黃鶴樓中笛弄邛集外詩鉤簾吹數點卷袖出橫枝石是飛  
來者人疑夢見之分明舞鸞匣深淺埽眉時  
林下風因絮春來月似烟客歸歸燕後筆落落花前高士楊  
无咎仙人謝自然孤山香火社有此一重緣

題梧門先生三君詠後竝寄

三君者謂秀水王曇仲瞿昭文孫原湘子瀟而謬以  
位附之

祭酒善言情以詩爲情室祭酒善言詩以情爲詩驛辱寄三

君詠重煩兩客詰

詩係吳尚錦轉託邵叅寄至吳下

綢繆結心期牽連作口

實孫綽既爲冠

晉中興書於時才筆之士綽爲之冠

王猛亦無匹

桓溫曰江東無卿比也

豈意西崑詩舒雅得居一

西崑酬倡集錄雅一詩

鼎以足見分鼓以腰

見啞不知鹿雌雄不次石甲乙但賦懷人篇已具相士術此

事公猶龍其問我乃蝨相逢苦不多相別苦太疾在上或三

已在下亦三黜湖山江海間送三子者出墜歡杳莫追鄙事

近可述王君著高屐讀書不讀律孫君曳長裾好竿不好瑟

我擁破被眠夢中索還筆

余作破被圖詩先生最爲激賞

萍蹤有聚散蘭味

無疏密龍門開鴛鴦流景照蓬華失足墮青雲舉頭見紅日

高情良服膺遠夢時造鄰努力送飛鴻柳絲不可櫛

### 三君詠

法式善

空谷有佳人十年不一見相逢託水雲一別如風霰臨行

仰視天遺我詩一卷中有萬古心事窮道不變科名易事  
耳君胡久貧賤眄彼幽蘭花無言開滿院

舒鐵雲

豪傑爲文章已是不得意奇氣抑弗出酬恩空墮淚說劍  
示俠腸談元託賓戲有花須飽看得山便酣睡願更道心  
持勿使天才逸人間未見書寫竝梅花寄

王仲瞿

白雲遊在空胡爲吐君口明月生自海胡爲出君手想當  
落筆時萬物皆吾有五城十二樓誰復辨某某佳句天所  
造妙手得之偶未必天真閣獨師韋與柳

孫子瀟

陸杉石太守歸自雅州余方移具禾中旋有淮南之行  
寄詩爲別

唱斷驪駒過十年阿蒙還似十年前別離滋味中山酒飄泊  
功名上水船詩近杜陵懷舊雨人來蜀道抵青天東吳萬里

重相訊河塞金成各惘然

劔南詩卷廣南裝如此家風未可量  
刀布手鈔循吏傳烟霞肩歷舊奚囊  
不妨邢尹如相避便逐雲龍也太狂  
卻趁扁舟渡江去春來楊柳似人長

泊舟菜花溼作

雙谿橋下暮揚舲燈火樓臺一帶青  
纔過北門風雨急留人殘夢菜花溼

夜寒猶戀老羊裘三月烟花感浪遊  
回首江南好春色倒騎鶴背上揚州

虎邱東山玉蘭已花與桐門仲瞿過  
憩嘉賓上人禪院記去秋山塘送別  
正此數人是夜還宿仲瞿寓樓感作  
又向東山廟裏來夕陽人影廟門開  
三春花事初啼鳥半榻

茶烟老癖才隔歲秋波孤棹遠渡江明月一簫催從君百尺樓頭住絕似生公舊講臺

皋橋

金昌門外石欄邊相問停橈感昔賢童子炊烟因我熱主人名姓以傭傳連年米價春無廡此地花時泊有船記得五噫歌最好倩誰彈入第三弦

癸亥花朝逢閏是日渡江抵揚州戲爲六言

花逢閏月重好客在扁舟未還酌此一江春水祝他兩岸青山

二十四風無恙一百五日有奇已過黃楊小劫不負翠筑前期

處士園中幡動夫人祠下香生預借一年甲子再遲三日清



明嘉慶八年癸亥時憲書閏二月小  
十五日庚辰丑初三刻七分清明

得氣是壽者相受生在色界天管領文章烟月消磨富貴神  
仙

王鐵餅索題桐陰課兒第一圖

有子讀書萬事足不必有書讀盡熟若教一字不遺忘直愁  
他日無書讀姓名麓記可以休轡蝓李志皆千秋誤如河間  
更一適解亦淵明不甚求我倡此說無人和鐵餅老矣兒猶  
課讀萬卷書行萬里巨浪奇文一齊破不如歸倚舊桐陰一  
喉雛鳳清於琴但得清風有時至桐花香壓書中字

與林海珊同年話舊

漫山桃李渡江萍失笑來看太白經十里珠簾何處卷一袍  
春草故人青酸鹹味外詩難好鼓吹聲中夢易醒彈指廣寒

宮外路更無一箇見台星

去年同遊  
平山堂

昨柯江上移營去韋杜城南下第回離別與君疑有約飄零  
如我泥無才殘春隔水瓊花老大廈連雲燕子來却恠林逋  
閒不過也騎家鶴詠官梅

修禊後一日與杜冶甫汪經農遊平山堂卽送冶甫還  
吳門

雨漿桃花水春風撲面酣品泉來第五罰酒過初三遊事催  
啼鳥歸期看浴蠶送君揚子渡江北望江南

小住纔三日閒遊隔一塵夢猶羸杜牧送亦有汪倫鶴市濃  
催墨託寄吳門  
故人書賀湖近卜鄰治甫經農  
皆秀水人西窗重翦燭情話莫

嫌頻

平山堂雜題

歐蘇迢遞接漁洋中隔元明一瓣香若使詩翁都入社不應

遺漏孔東塘

三賢祠祀歐蘇兩文忠及王文簡也當時語云王阮亭見壁題詩孔東塘逢人分韻

妙品倪黃出自然殘山賸水也堪傳分明界畫樓臺樣金碧

飄零直甚錢

兩岸園亭皆就傾圮

占星天市隔三台吆喝園林估販街搖過城門雙漿涇相逢

狹路小秦淮

小秦淮水涸

芍藥開時賽牡丹居人豔指此花欄豈知身是豐臺客未必

纔從此地看

吹簫乞食古風存一笑看囊似少恩誰寫虹橋修禊卷故應

招待鄭監門

巧者甚夥殊減遊興

錦帆何事不思家真箇垂楊有暮鴉記得懷中留一刺譬如

來訪玉鉤斜

戴金谿比部去年於放榜日枉顧適僕他出未遇尋南  
下經歲實未嘗奉荅也風便附詩自訟

落花聲裏折楊枝剛是高軒枉過時春去逢人寬禮數飢來  
驅我拙言辭三生酒熟歌紅豆孫子瀟紅豆圖題者盈軸惟  
比部與余爲七律四首用韻  
不約而同一夜鐙香記萬絲所作萬絲鐙七言長  
律尤爲此體絕構還有揚州二分  
月水精簾外看題詩

紀閏二月二十日事

太史占祥久寂寥每依北斗紫宮朝客星夜臥猶書奏況是  
青天犬吠堯

清塵敢犯屬車過百萬神靈一刹那不是嵇侯承賜姓東廂  
誰縛莽何羅

詔書寬大出黃麻萬戶千門洞一家此量直包天地外狂奴

何苦學張差

康山

腰鼓三百副青山飛酒杯香銷美人盡風好狀元來歌舞逢  
場戲文章絕世才幸然留姓去橫占此樓臺

書贈歐陽棣之

百書不如一見面見又何如不相見一回相見一鬚眉惟有

此心未嘗變初逢在矮屋破板抱春宿癸丑與同號舍再見從逆旅

泥塗嘯倚侶壬戌相遇峒峒晤道中同抵清河逆旅與王仲瞿孫子滿席子備各有詩倡和爲別今又一年矣

中間相去恰十年星辰旁落天左旋老女當梁失昏禮童子

賃廬無炊烟豆分萍合期未錯一笑青春好樓閣彳亍三更

灞岸驢環璫兩箇揚州鶴熱亦因人不成事非由今日徐常

侍試問碧紗籠中人何如銅爵臺上伎君不見杜書記康狀

元都來此地相盤桓洞簫腰鼓不知數二十四橋三百年復  
憶君家六一老居士登堂平視江南山與君今日相逢處正  
是平山堂外路

龔闇齋儀嚮入都補官邂逅於淮南旅次就日來言論  
所及敘詩五首以當送行

贈言不欲諛結交不欲密諛與鷗相等密則疎可必我行半  
天下多得三友益所遇士大夫未嘗廢紙筆立言抑其微況  
乃抱吟膝卽此酬酢間欲慎豈無術出處各有時悲歡適相  
率送君旁無人私自捫一蝨

本朝尚考据其功邁前修一變爲攻擊刺刺不肯休聚如盈  
庭訟快如夙世仇原註無完膚本文若贅疣自謂當有得或  
更揚其流分門別水火入室搯戈矛返諸著書意未必皆然

不古人疑闕如無損大雅儔今茲震於名違心以搜求瑣負  
駑驢喜蟬捕螳螂愁不惜豕三渡忘記貉一邱周公驕且吝  
宣聖閉兩眸絳灌非伴侶鞅鞅淮陰侯

康成實窮經溫公兼治史成敗與利鈍必有取乎此班范良

史才輟筆昧厥旨彼我更相笑知人不知己

孟堅譏子長蔚宗復誚孟堅而

三人之禍愈後愈烈

蔡邕博載籍雪涕報國士嵇康才有餘琴聲散東

市目雖不見睫臂則可使指所以三長中惟識足貴耳士無  
千載憂必有一朝耻恨不讀十年免於襍穢子

挾策好縱橫投書誚濶圖執鞭亦三思燒丹凡九轉立之馬  
廐中彼自興不淺得頗未償失狂乃不如狷若復議感恩子  
雲本連蹇千金酬一飽幸後致通顯潦倒負前期雖悔不可  
辨馬見風而嘶牛見月而喘卽事別取舍因時得舒卷天池

有怪物志豈異鰕鰂竿木偶逢場之子自婉變

逃禪愛談禪作一消遣法語言文字中佞者非某甲毀必有  
所妬譽必有所怯祇此恒河沙各具千億劫寂滅出微妙狡  
獪掩窮乏思議不可存矧又口喋喋揚州好明月寶鏡夜開  
匣乘月送扁舟春江綠如鴨

題縣津山人詩稿後

詩稿五本桐鄉馮鸞庭太史所藏計漫堂草二卷漁  
洋尚書朱筆評點嘯雪集一卷又漫堂草一卷漁洋  
墨筆評點述鹿軒近詩一卷漁洋朱筆評點論畫絕  
句一卷漁洋墨筆評點并跋竹垞檢討墨筆跋青門  
山人朱筆評并跋韋菴草一卷竹垞墨筆評點青門  
朱筆評點皆有跋語迎 鑾集附滄浪亭近詩一卷



漁洋墨筆評點清德堂詩一卷漁洋朱筆評點卷首  
列漁洋兩札計二十番生紙寫癸亥四月觀并記

絲津山人詩五卷漁洋山人書兩簡長水青門左右之作者  
心胸評者眼當時旗鼓誰相匹無過朱十王十一商邱兼此  
師友資況有嘉賓擦不律古人作事慮欲傳朱出墨入皆精  
研眼前肯放一二字胸次已具三千年精神意氣相久長前  
輩風流後輩藏不矜酬倡壓元白但見商略塗丹黃人間此  
本無第二先生得一實具四若教留配洞庭圖更須響拓山  
陰字太史方買別墅於查灣忽得千畝爲沈南疑所作林屋  
山居圖事最巧合圖中首卽漁洋題句而絲津竹垞之  
詩皆在焉故附及之借畫還書同一癡昨日讀畫今讀詩卽當明月吹  
簫夜如向雷門打鼓時

梅花嶺弔史閣部

一寸樓臺誰保障跋扈將軍弄權相已聞北海收孔融安取  
南樓開庾亮天心所壞人不支公於此時稱督師豹皮自可  
留千載馬革終難裹一屍平生酒量浮於海自到軍門惟飲  
水一江鐵鎖不遮攔十里珠簾盡更改譬如一局殘棋收公  
之生死與劫謀死卽可見左光斗生不願作洪承疇東風吹  
上梅花嶺還賸幾分明月影狎客秋聲蟋蟀堂君王故事朋  
脂井中郎去世老兵悲遷客還家史筆垂事見池北偶談吹簫來唱  
招魂曲拂蘇先看墮淚碑

淮南折柳曲

僕以二月十二日來今於四月初八日去江北江南  
往還棖觸文衡山詩云開船聽得吳歌起絕似閭門  
送別時此追憶從前也李玉谿詩云何當共翦西窗

燭卻話巴山夜雨時此逆計未來也然往如破甑來  
若藏鉤惟現在境界又如駒彭鴻沙更無捉摸忽憶  
得陳迦陵絕句云輕紅橋上立逡巡淥水微波漸作  
鱗手把柳絲無一語十年春恨細如塵一再誦之殆  
恐俊不禁矣

已過豆蔻梢不入芍藥欄但上梅花嶺莫近茱萸灣我溥淮  
南遊了了悟三昧月色苦不多米價亦太貴白雲先生術紫  
薇舍人詩癡人說殘夢名將老偏師陷苑水聲多蜀岡山色  
少水不禁開鷗山不禁飛鳥口歌鐵綽板手弄玉連環賈胡  
到輒住雜組徃復還浮海或無桴渡江猶有楫暖翠圖中行  
輕紅橋上立已往豈足諫未來難預知一株兩株柳千條萬  
條絲江北又江南鑿鑿皆可據花生日而來佛生日而去

買舟將去鐵餅復出課兒第二圖索題倚裘書此

再欲題詩一字無匆匆行李出江都別君轉恨逢君晚鬢鬢蒼於第一圖

雨夜宿仲瞿白松閣適子瀟至相與話舊記去年在宛府時人景相同獨少子侃耳作詩懷之

卜居消息渡江船來作松堂未了緣三月烟花過四月舊年風雨似今年短簫長鋏皆同調北雪南雲總對眠可惜美人隔明月不來同住別離天

仲瞿屬其內史雲門氏寫留待山居圖圖成索余爲記先題四絕句

華嚴樓閣指輕彈一例烟雲過眼看若作四千年後想買山容易畫山難

胡盧舊樣餅虛名兩姓荒莊笑耦畊留得武陵源一記花紅  
水綠太分明

不畫長眉畫遠山螺烟粉本互增刪書生心計佳人手都在  
須彌芥子間

便有柴門傍水開田園勤灌樹親栽笑他風雨催租者不到  
三鄰賦裏來

福田菴舊是尼舍今爲超上人方丈易稱芋香夜與仲  
瞿攜善財過訪遇雨飯訖竝讀上人豔體詩卽事

色界迷離願海寬雨聲猶滴舊蒲團散花劫過三衣冷食棗  
人來一樹酸電火光陰愁路滑石門文字與禪安生憎名士  
招魂地不放紅霞入夢看

地近唐子畏  
桃花墓川

還是瀟瀟暮雨香吳僧白紵唱吳娘詩無宰相神仙字禪入

郎君弟子行精潔廚中甘露灑妙明鐙下緒風涼不妨帶水  
拖泥去要讚天花作道場

官尹兼

懋斌

同守見題拙集余返櫂南湖未遑奉和頃

再泊吳門相見於白松閣雨泥遲荅先以兩詩呈謝

青衫一褶酒闌干曾聽琵琶信手彈百代光陰都是客中年  
滋味再休官鄉音到耳停橈問詩卷關心出袖看好在松陵  
酬倡集不須西笑向長安

五月扁舟往復行江湖殘夢棹歌聲三更舊雨長相憶一卷

南風小太平

尹兼住小太平巷

質樸人家忘主客出門天氣礙陰晴

接離肯爲山公著待我滄浪一濯纓

尹兼惠藤帽

簡州刺史折獄篇爲宋霽若觀察作

公任簡州時有積案猾賊不畏嚴刑以不能得其實

事乃於公案取錦箋十幅詩韻一部前列四役旁侍  
一童以訊賊事賊無言先作絕句二首再訊之賊無  
言繼作五七律各一首又訊之賊無言乃作短古一  
首賊竟無言更作長七古一首朗誦不已遂不復訊  
賊時漏已三轉役倦如醉童倦如癡而賊不覺泣下  
自言賊不畏嚴而畏清也乃具言所事丹陽陸炳赤

南序

威不必彌尾青惠不必細箭五十束人肝不代米蒲鞭不示  
辱圍棋破敵風鶴驚文字叅禪野狐逐事在簡州刺史夜治  
獄獄亦久不服刺史登堂來盡取官紙然官燭囚跪階官仰  
屋一硯一墨一筆禿前列四役後一僕囚意刺史當更厲聲  
鞫不爾具三木甌瓦鋪膝檀擊足如是刑罰惟所欲彼能堅

忍況極枯亾何刺史詩興忽大發十幅錦箋抽一幅先爲絕  
句詩定是偶然作叶既成五七律詩律細於法律酷亦不識  
刺史所作何題目短歌未斷長歌續事在心頭稿在腹驀然  
開口吟絲竹不如肉據案疾書如判牘詩成示囚囚不能讀  
爲囚作詩囚乃大哭具言其事所以然罪莫贖誓不敢再反  
覆刺史呼吏胥取其所詞一一錄囚言畏清不畏嚴清畏人  
知況工吐屬生不願包公一笑黃河五百年獨喜子路之諾  
不信宿官鼓鼙鼙雞喔喔以詩詰囚囚竟伏借問何所似有  
似燭照數計而龜卜兩旁侍者倦欲眠猶恨刺史詩不速唐  
以詩取士法吏文選熟皋陶賡載歌所問自然淑身爲宰官  
身彈琴尚嫌俗身爲苦吟身擊鉢則已感何似深宵吟得詩  
數篇絕勝長日惟消碁一局我歌簡州刺史宋說本珥陵山



人陸輜軒可采蠻貊可牧君不見漢朝循吏若干人第一文  
翁能化蜀

題湘灘合稿後卽呈靄若觀察

先生宦境我遊蹤前後身行萬里同貪詠新詩燒燭竟恍尋  
舊路裹糧重諸賢繼作星如聚作者凡五人三世論交酒竝濃是日  
觀察招飲莫訝悲歌燕趙士生來吳語自稱儂

樓夜示仲瞿

瓦鐙青對竹簾黃百尺茗亭萬卷長簷角月高看較近樹頭  
風靜聽尤涼卜居誰買東西屋情話難分上下牀最好當軒  
種秋色一層花事兩層香

夢想吳王銷夏灣浪花開過洞庭山早從高閣常眠起何必  
扁舟覓往還可笑仙人同此好不知吾輩幾時閒爲他亞字

闌干影一帶疏窗未忍關

樓上看雨作

烏雲接日日含雨風掃青天雲不許一鱗一爪雲中龍雄雷  
雌雷相爾汝雷聲不散雨不休金蛇霍霍西南樓我倚闌干  
看瀉水失笑銷夏如防秋瓦溝曲折盤銀虬濕鴉衝烟浴野  
鷗滄浪亭子橫看去四林一綠春油油今年江東雨太多壁  
生苔蘚田生波豈知糧船泊江北漲沙乾斷西黃河北人待  
米米船退南人食米嫌米貴天公作雨無了期汝曹何不食  
囚糜太倉一粒我何疚努力加餐不濡味譬如生及媯皇前  
此天未補終須漏願天移雨雨未雨天若有情天亦瘦詩成  
入夜轉瀟瀟青鐙一點纔如豆

戲柬桐門

來是晴天去雨天，  
暫時離合也因緣。  
熟炊飯甑三升夢，  
濕颺茶鑪七椀烟。  
出巷泥深難著屐，  
進城水漲不通船。  
胥門只隔閭門路，  
費卻先生雇轎錢。

看來天氣未能晴，  
攔坐高樓聽雨聲。  
沽酒有錢難獨醉，  
出門無伴可同行。  
私書魚尾人千里，  
官鼓牛皮夜五更。  
忽漫開窗雲似墨，  
一詩頭上又催成。

田六尺和宋觀察

原詩序云：晉愍懷太子妃王進賢，  
遭石勒亂，掠渡孟津，勒逼之，怒罵不辱，  
投水死。田六尺，妃之婢也。曰：大  
既如此，小亦宜然。亦赴水死。  
人競傳緣珠節矣。顧不及妃與六尺，  
何不幸也。故表出之。

人生一死無再死，  
當死而死適然耳。  
未死之前無死理，  
既死

之後不死矣嗚呼生死有如此何況田六尺吵子一女子上  
東門邊嘯一雛司馬家兒執戟奴麈尾不擊賊著高屐者歸  
而逋田六尺何爲乎六尺女子勝七尺丈夫孟津渡凡幾曲  
賊騎來婢子哭一聲河滿雙淚流婢學夫人萬事足黃河之  
水不敢濁君不見馮小憐灣頭請上琵琶弦琵琶彈得春風  
改可憐四條弦不及一條水

題宋觀察竹梧清嘯圖

書畫詩稱三絕仙佛儒兼一身當日尚爲循吏後來無此才  
人

門第三史最舊簪裾七葉猶隆系表盛唐宰相註經先鄭司

農

尊甫司農公著易讀一書采入  
欽定四庫全書提要

此卷是誰所作竹梧清嘯依然傾倒一時老宿想見三河少

年此卷作於觀察年十七時今甲子一周矣圖爲沈歸愚尚書題名翁覃谿學士作跋凡乾隆以來名流詩詞皆在焉屏風寫白太傅團扇畫陸放翁跳出凌烟閣外如入山陰道中

梅道人畫竹卷子真蹟爲尹兼題

一直復一曲不畫梅畫竹一節復一片不畫紙畫絹俗訝一徑清飈來籀龍夜半驚春雷低昂向背各有意蟻穠修短俱無猜畫工化工互消息草聖草賢作鉤勒縱有此畫無此書縱有此筆無此墨君今何處得此君一枝一葉一字真朝看竹色夜竹影雨細風斜月華冷幸不喚軍中十萬夫被人笑道樊川麓亦不願涓濱一千畝依舊清貧饒太守更不作柯亭十六椽但得似蕭郎十五竿黃岡樓上熏香坐翠袖風前倚醉看

驛柳四首和韻

兩邊官柳重行行不解人情解世情  
自可折腰傳急遞幾人留眼送歸程  
雪來小雅詩無敵人去陽關唱有聲  
爭似六橋春事早浪烟慘綠曉鶯迎

絲無情緒絮無根尉候年年渴驥奔  
黃土三家茆葉店青旗一面杏花邨  
疾看露布差強意冷聽霜鐘合斷魂  
曾向靈和眠起慣爲誰辛苦忽當門

消磨帽影與鞭絲失馬亡羊感路歧  
天氣漸逢搖落候人生強半別離時  
僧疑桑下過三宿客散門前賦十離  
牘有屯田歌井水月殘風曉最相思

何必金城滄滿衣腔空櫓斷不成圍  
將軍營外無功坐思婦樓頭有夢歸  
黑卷萬鴉芳樹晚紅飄一騎荔支稀  
不如盡付

金九羽言集卷一  
三  
樵蘇手省事行人戀落暉

題常熟閨秀屈宛仙

秀才趙子染室

白描桃花

瑤臺月淡雪山甜仙佛能教一味兼祇有露從天上種并無  
粉向鏡中添吹開一笛樓同倚補入三閭韻可拈若昉羅虬  
花九錫琉璃硯匣水精簾

孫子瀟作詩自稱老夫旁有細書改爲詩人則其內史  
道華夫人筆也

孫郎古詩流一歲一卷草初學衛夫人相應如雙鳥舉案孟  
光賢窺鏡鄒忌好忽自署老夫未免傷吟抱夫人顧蹶然恒  
言不稱老舉筆乙其處去閨留月小對客呼老子南樓興已  
掃見帝稱寡人玉女秀絕倒君鬚尚髣髴君身亦矯矯百歲  
行可偕三十衰太早古之作詩者榮名以爲寶詩境戒顏唐

詩情除懊惱彭祖入百年雉羹斟不飽衛武九十歲抑詩偶  
存稿太公著陰符逆旅看天曉不聞澤門哲反慕商山皓惟  
天可稱翁惟地可稱媪自餘人世間一切髮未燥吟肩如童  
山詩囊卽襁褓婦言自可聽轉注唱桮棬

與仲瞿論畫十五首並示雲門

東坡自謂不學書苟通其意晚莫如我用此法論作畫亦悅  
親戚之情話君今靜坐且勿喧傾囊倒篋吾能言

流水無聲山不綠辣黼模糊成一幅謬云做米慘經營從此  
畫裏無天晴請公勿復勞思慮磨墨三升橫點去

書家氣力透紙背畫家精神浮紙外透必用重浮用輕不待  
智者皆分明彼哉只作一層轉誤以塗抹爲渲染

最難畫者莫如水最易畫者莫如鬼畫鬼人不見鬼形畫水



人不聞水聲畫紙畫絹畫到老畢竟鬼多而水少

真山真水天下奇好山好水古畫師眼中未見此二物手底何曾有一筆鸞雞穴蟻井底蛙偵耶夢耶肄業耶

頑山亂石惡樹子天地中間不得已我意恨不盡掃刪奈何收入圖畫間須知渠亦非所好直是無端來作鬧

畫獸欲走鳥欲飛畫樹欲瘦花欲肥且莫與渠論筆力先問如何是著色看朱成碧素化淄咄嗟所買何胭脂

一手不能兼衆技與角去齒出天意各用所長傳後來仲圭之竹元章梅若問何長復何短飲水阿誰知冷煖

華嚴樓閣彈指見海市僊宮倏萬變徑路絕而風雲通意匠慘澹經營中胸無杜陵千萬廈手持規矩不得下

麻姑十八好女子寫作張良終不似評泊楊妃妃不肥唐突

西施施欲啼西王母頭洛姬肚笑殺蘇州唐伯虎

人心不同如其面一人一面凡一變忽然畫手從同同千山  
萬水歸一宮假饒人面亦若此焉辨祖宗與孫子

墨跡銷亡不多得芥子園中傳木刻夫已氏作奇貨居如以  
活水煮死魚須與薪盡火旋止魚不重生水且死

甲造贗賣乙真買瞎馬盲人夜觀海勿論僞者不足夸真者  
未必一一佳石崇水陸皆精核廁上之賈不可喫

仲瞿書畫大有法小事糊塗小敵怯卽其詩句亦復然古風  
長於律絕篇若使曲肱毀鼓架終夜不眠巨毋霸

閨中畫品無不通手是畫工心化工平生脂粉錢無算不費  
容顏費紙絹不櫛進士有髮僧如此夫妻古未曾

月夜出西太湖作

風來雲去月當頭銷夏灣邊接素秋如此烟波如此夜居然  
著我一扁舟

不抽帆子不安桅兩槳霜花細細開半夜橫風吹不斷青山  
飛過太湖來

瑤娥明鏡澹磨空龍女烟綃熨貼工倒卷銀潢東注海廣寒  
宮對水精宮

忽憶賜夷范大夫竟將此水沼全吳不知偷載西施去也有  
今宵月于無

星星漁火近吳江聽唱流人水調腔一角紅樓深樹杪爲誰  
風露夜開窗

立秋日陸杉石太守寄示青蓉閣詩鈔卻寄

一卷攜冰雪扁舟昨夜開夢隨流水去秋與故人來費我三

升黍量君八斗才碧紗幮裏讀驅盡萬蠹雷

性僻耽佳句思量句句傳豔時堪入畫悟後亦通禪未必人  
皆愛都如我欲言不嫌相狎恰好好浣花牋

昔我僑身戍逢君在直廬及君還自蜀而我又移居荇柳新  
聲換柴桑舊約虛鴛鴦湖上水一夕一雙魚

白松閣觀董羽風雨出蟄圖真蹟

毘陵董啞子其畫不概見諦觀出蟄圖比於吉光片展軸雜  
龍腥搖豪窮水變忽然風雨來擲紙向天半上下九萬里黑  
白搖一線作其鱗之而天矯無片段撐開玉鴉又濕氣撲人  
面南朝官紙小兩幅價不賤端拱四年畫墨妙出秀禱虛堂  
晝沉沉勁與松風戰如登太山頂遠望吳門練慎勿點晴飛  
藏之最深院

朱靄若觀察既爲僕序戎幕今雪二詩竝見示有方集  
大刻作此報謝卽奉題其後却寄

三年皮骨半囊詩豈有驚才絕豔詞偶把胡蘆挂牛角竟將  
混沌飾蛾眉文心敢便矜劉勰賦手從今重左思不分讀書  
行萬里居然一己有人知

青蓮玉局兩崢嶸

序稱超越變化乘空凌行吾於青蓮東坡兩先生神往焉

竝擅當時身

後名便讓出頭歐永叔也應低首謝宣城夜郎國有驚人句  
春夢婆無送客情賀監歸山韓相老青琴彈殺海天橫

中歲編詩紀宦遊宰官身是古詩流數全天上先三日行半

人間大九州

有方集十卷以天幹編次凡歷十有三省

忠孝事難忘一飯文章香

可占千秋相思不翦吳淞水魚尾連宵避石尤

陳桂堂太守見示詩餽百叠新詠依韻奉題二首竝送

之遠南橋

乍染征塵利市衫秀州門外見歸帆一肩擔負詩家債百口  
流傳太守饒說愛吳均書映字穀人祭歌酬唐勒響飛巖山

刺史倡韻子雲筆札君卿舌合與焚香秘枕函

剝啄蕭晨啟一面黑甜鄉對積書巖蹴蔬夢斷何須卜畫餅  
名虛不救饑九陌塵高慳削札五湖水濶健抽帆幾時虹月  
舟同坐寒具香油驗昔衫

秋草四首

別恨閒愁逐漸非秋痕狼藉舊芳菲厭聽蟲豸千聲碎饒送  
牛羊一嚼肥翠陌不曾留鈿轂青袍從此換蓑衣如何未待  
斜陽下腸斷詩人杜紫微

思量春夢舞元駒到此飄零蝶也癯橫處都成邊上血鬪來

不似寺中鬚功分馬棧三升豆名壓龍岡七尺軀爲是燎原  
難撲滅可能稍緩數須臾

秋風成片雨成堆市地黏天掃不開一握紅蘭分手去四邊  
黃葉打頭來出山絲竹名原小入海神仙采未回留得幾根  
書帶種夜深私語有青苔

如此蒼茫自詠詩閒中物理淨中知野花得雨有驕色老樹  
入雲無醜枝客去不嫌三徑滿人歸又算一年遲相逢莫便  
欺黃落曾費弓鞬踏遍時

聞李松雲太守自徐州調任延平計日當過吳會因寄  
彷彿三生杜牧之年年作郡送人時抽屨紫禁來何晚吹笛  
黃樓去較遲九曲谿山新樂府十園桃李大宗師

太守嘗能  
主閩試詔

知太守饒無敵拋得蒲萄便荔枝

卻從相別憶相逢些子因緣爾許空吳市簫吹三月雨寒山  
鐘打半橋楓春來相見詩成蠻語姬隅外夢在儂歌欸乃中  
只隔太湖三萬頃暮霞惆悵鯉魚紅

惠山道中

秋水不可唾斜陽相與閒艣聲隱紅樹塢影臥青山酒味陶  
人市茶烟衲子關西風半帆起詩思憺忘還

九日大風渡揚子作

海上琴聲彈大鱗橫瀉海潮入江水江神騎浪狎西風吾亦  
浮查訴真宰中流萬頃秋雪漲疾如駛颿險如象金焦兩眼  
向人青直送紅船出其上布帆一翦日未落斜入瓜洲水邊  
郭始知今日是重陽人盡登山我渡江渡江誰是登高處目  
極江雲送江樹獨倚斜陽立舵樓去向茱萸灣口住



揚州夜雨

今夜蕪城雨聽殘首重搔秋聲三鼓濕鄉信一鐙挑白紵衣  
裳冷青山草木凋不知揚子渡添得幾江潮

曉起芳潤堂看雨有懷劉醇甫

嗣緒

孝廉時余將渡江

歸卽此錄別

雞鳴何瀟瀟朝雨洗殘夢開門看雨絲西風織無縫疏林盪  
薄烟惟石潤清供鴉立屋角啞蠅坐衣上凍秋懷觸緒來舊  
雨笛三弄咫尺隔天涯清嘯誰與共後期阻且長前詩婉而  
諷君頃寄余自書詩扇有至是暫時  
何况客歡無長夜不如愁之句君來我不迎我去君休  
送計日過梁谿不敢題一鳳

去揚州日書贈李齋生教授

保泰

泌不神仙廣不侯蕭蕭白髮住揚州平生思御龍門李不道

相逢屋打頭

離堂翦燭話前宵又趁扁舟唱早潮算是重來應隔歲春風  
吹老一枝簫

由牖泊舟作

掉船獨自唱離歌寸寸斜陽點點波又是一番秋色老霜蘆  
風荻也無多

紅橋斜鎖一欄秋出牖分明不自由敢望今宵渡江去何妨  
容我泊瓜洲

焦山

焦山枕海門不隔揚子渡作客二十年未到焦山處眼前突  
兀來胸次盤旋去去畏山靈笑來畏江神怒怒霽笑無聲扁  
舟尚如故蕭晨澹無風江日上江樹青山梳曉鬢一鏡未遲

暮枯查可上天中道忽改路瀉入江口船回首烟雲互區區  
雙不借豈遂關定數天誠慣作慳我亦屢自誤崇志積後期  
抒情訟前度修竹兩三僧惆悵東坡句

過江雜興

手抱淮南月心飛北固雲山青雙蒜出洲白一瓜分江曉隨  
鷗渡秋高接雁群昨來重九日愁殺孟參軍

京口曾開府沉淪六代間亂堆城作甕高削岸如山事去人  
千載秋來水一灣是誰蕭瑟者詞賦動江關

夜過丹陽郭扁舟興未忘一鐙開酒店數里入漁莊官柝沿  
流急僧鐘隔寺長夢回凡幾驛炊熟舵樓梁

小泊江邨近時時跂腳眠破船僧乞米窮袴女歌蓮笑我猶  
三市輸君各一錢悄然分手去此亦散花禪

挂席南蘭陵吳船喚不應雲遲山了了風細水層層鴟雁宿  
何處芙蓉開未曾今宵眠不得吟暗一青鐙

楊家有女行

楊家有女初長成豬婆龍來不敢撾金昌門邊唱花燭新婦  
之車脫其輻銀刀侍女列洞房黃巾力士鞭絲香一笑河清  
嫁河鼓桃花馬上胭脂虎公孫大娘雙劍虹李波小妹裙褰  
風處子動若兔撲朔予聖不辨鳥雌雄素書未飲神仙酒越  
女劍術忽自有一春夢雨臺低昂半夜鐘聲寺前後鳩摩羅  
什摩登伽老拳淫咒傳一家無遮會上天歡喜從地湧出青  
蓮花此花欲拈拈不得手有天王珠五色娘子軍中一指禪  
夫人城裏三生石從此蘼蕪不上山愛妾換馬心茫然校場  
一出豈無地色界三重別有天直教長白好女子化作雕青

惡少年勅賜雙飛相國寺請殺一圍馬小憐諦觀河間如苦  
海誰道蘇州嫩如水娶妻當得陰麗華生子當如李亞子不  
然呂姥與蕭娘夫壻封侯亦大耻既不用之殺賊生又豈可  
令成佛死

俞敬亭屬題梅花百爵長卷

不占百花頭猶封萬戶侯將軍留大樹思婦倚高樓憶我從  
征去西南水倒流青山橫鐵笛飢雀暮啾啾

夢入衆香國天留老畫師烟雲花九錫風雪鳥相思粉本凌  
烟閣無聲詠物詩江南春色好正面看移時

倪雲林題畫詩  
玉人只隔輕烟

外三尺圖  
中正而看

南屏小顛上人來吳相見於仲瞿處他日仲瞿招顛飲  
酒屬余以詩邀之

不喫趙州茶南山老酒家三秋懷落葉一飯悟桃花篝火依

龕冷簫聲入市譁分明同小住風雨卽天涯

上人寓南禪寺

欲結廬山社經時憶遠公酸鹹詩以外酒肉佛當中毛寶功

無量

索寫破迷曠龜詩

王維畫最工

謂仲

觥船期一棹要遣百分空

詩至南禪寺而顛公已往靈巖矣乃以琴客僉五春蒲

補之是夕風雨僉取琵琶作曲仍寄顛公

夜寄三瓶播朝飛十幅蒲寒山楓樹老香海雪花龜七十二

峰外西風吹太湖不知雙不借何日下姑蘇

今夕仍風雨桓伊喚柰何殘鐙青豆小高閣白松多一曲玉

連鎖三升金叵羅阿師當大笑和我醉時歌

夜聽春浦琵琶彈玉樹後庭花曲作歌贈之

雪不醉党將軍月不抱王昭君賀老琵琶定場屋彈不破玉

樹後庭花一曲初彈春鳥碎再弄秋烟翠青山鏡六朝紅露  
花三昧回身急抱琵琶腰盟心暗貼琵琶背使我低頭欲向  
琵琶拜十指玲瓏一指挑四弦惆悵半弦搔此時神女傳瑤  
瑟此際宮人記洞簫璧月夜三更瓊樹春雙聲都官鬢絲黑  
妃子眼波青結綺閣中香未散景陽樓上鐘初鳴又何似玉  
樹流光照後庭恨不見馮小憐彈得春風值一錢卻待秦淮  
新月上留與隔江商女唱唱出琵琶曲傳入琵琶譜一弦琵  
琶弦一柱琵琶柱中弦盈盈張麗華么弦子弦後庭花老弦  
變宮如拍鼓可憐門外韓擒虎玉樹玉樹愁殺人一條弦線  
一指痕依稀水咽青谿柵彷彿鳥啼白下門斜捺小弦半黍  
許井底嚶嚶紅鬼語淒涼三十六封書秋菊春松淚如雨安  
公子去不還關別駕何當彈安西折楊柳南唐念家山燕市

擊筑筑聲裂吳市吹簫簫口缺亦不是蜀國弦齊門瑟自有  
紅梁醕酌綠蠡杯直彈到枇杷花下東方白